

БАЙРАМ МУНОСИБ НИШОНЛАНДИ

Бугун Риштон туманидаги “Водий” тўйхонасида 11 ноябрь - “Касаба уюшмалари куни”ни муносабати билан “Юрт тараққиёти йўлида бирлашайлик!” шиори остида байрам тадбири бўлиб ўтди.

Байрам тадбирида Ўзбекистон Касаба уюшмалари Федерацияси Фарғона вилоят Кенгаши раиси ўринbosари Орзигул Қозихонова, таълим ва фан ходимлари касаба уюшмаси Фарғона вилояти бўйича маъсул ташкилотчиси Лолаҳон Аҳмедова, туман ҳокими ўринbosари Зарифжон Умаров, сектор раҳбарлари, касаба уюшмасида самарали меҳнат қилиб келаётган фаоллар қатнашишди.

Тадбирда сўзга чиққанлар Ўзбекистон касаба уюшмалари кунининг белгиланиши, энг аввало, касаба уюшмалари ташкилотларини маънавий қўллаб-кувватлаш, уларнинг янада самарали фаолият юритишини таъминлаш, ташкилот фидойи ходимларини рағбатлантиришга хизмат қилишини таъкидлаб ўтишди.

Мустақил Ўзбекистон тарихида илк маротаба Ўзбекистон Республикаси Президенти касаба уюшмалари Қурултойи қатнашчиларига табрик йўллаб, ҳар йили 11 ноябрь санасини “Касаба уюшмалари куни” этиб белгилашни таклиф этган эди. Бу таклифни бутун ҳалқимиз катта қувонч билан кутиб олганига бир йил бўлди. Бу эса касаба уюшма ташкилотларининг жамиятимиз ҳаётида мавқеи ошиб бораётганидан далолат беради.

Байрам муносабати билан касаба уюшмалари тизимларида фаолият юритиб, соҳа ривожига ўзининг муносиб ҳиссасини қўшиб келаётган фаоллар, фахрийлар ва ҳамкорлар Ўзбекистон касаба уюшмалари Федерацияси томонидан таъсис эсдалик совғалар билан тақдирланди.

Риштон тумани ҳокимлиги Ахборот хизмати

2021-11-09 14:25:03